



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. An à debitore præscribi possit debitum indefinite contractum?

urn:nbn:de:hbz:466:1-41144

se s. de rescript. in 6. Porro licet necessarium non sit, ut cum alicui juratum est ratione Officii, & Dignitatis, Juramentum renovetur a-pud successorem ejusdem in Dignitate, & Officio; præcipitur tamen interdum renovatio Juramenti ad maiorem solemnitatem & securitatem, ut notatur in c. longinquitate 12, q. 2.

Ad 3. Q. an debitum indefinite contractum præscribi possit? Affirmative respondent P. Schmier de Præscript. c. 5. f. 1. an. 22. & P. Pichler, hic n. 32. & 33. cum Panormit. Bartol. Hostiens. & aliis. Rationem dant. 1. quia si solutioni nullum est præfixum certum tempus, tunc quandiu Creditor non exigit debitum, tamdui debitor non peccat non solvendo; quia prudenter existimat, se ante debiti exactiōnem non esse obligatum ad solvendum: ergo absque peccato iustitiae poterit tandem præscribere post lapsum temporis legitimi. 2. Quia possunt servitudes rusticæ præscribi ab eo, qui scit, se eas debere, si Dominus iis non utatur, v. g. possum præscribere contra eum, qui habet jus servitudinis in meo fundo, si ipse hoc suo jure non utatur certo tempore ad præscriptionem requisito, etiam si sciam illum habere tale jus, & eō non uti &c. ut colligitur ex l. sicut 13. C. de servitut. ubi dicitur, ut omnes servitudes (rusticæ) non utendo amittantur. Ergo etiam poterit debitum præscribi, si Creditor illud non exigat, et si sciat se

R. P. Leonardelli, Soc. Jes.

debere. 3. Potest reus præscribere poenam, quam ex lege, vel sententia Judicis scit se debere ob commissum delictum ex l. neque 2. c. de Vectig. & commiss. ergo poterit & debitor præscribere debitum.

Sed contrarium tenendum est 46 cum Covar. Reg. possessor, p. 2. §. 11. n. 3. Lug. D. 7. de præscript. lect. 4. n. 49. Molin. tr. 2. D. 66. an. 1. Palao D. un. p. 22. §. 6. Haunold. tom. 1. tr. 5. c. 2. n. 191. & 193. Felino in c. fin. hic n. 3. Imola ibid. n. 24. Viecht. hic post n. 37. v. Infertur. Schmalzgr. hic n. 62. Engel. Rath. Gail. & Mynf. (qui suam sententiam præjudiciis Cameræ firmant) aliisque.

Prob. 1. Qui sciens rem esse alienam, eam nihilominus possidere incipit, vel continuat, violat jus alterius, & est in malafide: ergo etiam qui scit jus alienum, & illi nunquam satisfacit, violat jus alienum, & est in mala fide. Sed

Dices, illa tantum scientia juris alieni obest bonæ fidei, qua est conjuncta cum peccato iustitiae: sed scientia juris alieni non est talis, quia debitor paratus est solvere, si debitum exigatur. Ergo.

R. tr. maj. n. min. rationem additam dist. Si sit paratus solvere quo-cunque demum tempore exigetur, tr. (nam si certum tempus constitutum non est, debitum solvendum est tempore, quod ex tacita intentione juxta morem Regionis ex consuetudine, & usu observari solet) si non sit paratus solvere quo-

G cun-

cunque demum tempore, quo debitum exigetur, n. Conditio hæc imbibita si exigetur, semper manet adimplenda ad libitum Creditoris, nec aliundè probari potest, quod circa ejusmodi debita contracta conditio illa impleatur, aut tollatur per Juris dispositionem. Accedit, quod ad præscribendum in tali casu requireretur animus recusandi aliquando solutionem, & sic inchoandi possessionem absolutam libertatis, qui animus jam esset peccaminosus, atque adeò ineptus ad inchoandam præscriptionem.

Prob. 2. vel talis debitor conscientia sui debiti, siveque obligationis animum habet & voluntatem solvendi, vel non habet? si non habet, tunc hoc ipso non habet bonam fidem, sed peccat peccato injustitiae. Si prius, leu si habet animum solvendi, tunc hoc ipso non possidet jus non solvendi, seu libertatem à debito, quod vult solvere; siveque nunquam potest præscribere, vel ob defectum bona fidei, vel ob defectum possessionis civilis ad præscribendum requisitæ, quæ fit administrculo juris, & animi, habendi scilicet id pro suo, quod præscriptur. Quod

Confirmatur à Lug. l.c. quia cum conscientia debiti non adest posses-
sio bona fidei; nam sicut depositarius, aut commodatarius non possidet utiliter ad præscribendā rem, quia non habet animum possidendi ut suam, sic debitor non possidet suam libertatem à debito, quamdiu conscientia est debiti; quia solum habet quasi commodatam ad tempus

illam libertatem, & auferibilem ad libitum Creditoris, cùm habeat animum solvendi. Quod si dicas, eum habere animum quidem solvendi, sed duntaxat sub conditione, si & quando Creditor exiget, tunc negatur, quod unquam possit præscribi, quia semper manet obligatio solvendi, quamdiu manet potestas exigendi in Creditore, vel hæreditibus illius, quibus deficientibus, deficit quidem obligatio, sed non vi præscriptionis, ut patet. Neque dicas eam potestatem exigendi in Creditore tolli per ipsum adventum temporis legitimi ad præscriptionem à Jure requisiti; nam hoc ipsum est in quæstione, & tibi restat probandum, quod tunc ea potestas exigendi ex parte Creditoris ceslet, & ex parte debitoris ea omnia adsint, quæ Jura requirunt in eo, cui beneficium præscriptionis concedunt. Unde

Prob. 3. Quando obligatio de Jure naturæ est certa, & deobligatio de jure positivo est incerta, & dubia, standum est jure naturæ certo; quia obligatio certa non tollitur per remissionem incertam, & dubiam: atqui Jus naturale, quod debitum alias liquidum sit solvendum, & nemo debeat fieri locupletior ex re aliena, est certum, & quod debitor in posito casu eximatur à debiti solutione, & gaudeat legitimè beneficio præscriptionis, est incertum, & dubium, ut patet ex contrarietate DD. & rationibns supra adductis: ergo standum est Jure natu-

naturali certo, atque adeò solven-
dum est contractum debitum. Ne-
que obest, si dicas Jus naturale esse
duntaxat conditionatum, nisi scili-
cet Jus positivum ex gravi ratione
aliter statuat, ac disponat, nam si
conditio illa non purificatur *certo*,
manet Jus naturale conditionatum
certum: in posito autem casu con-
ditio *certo* non purificatur: ut patet
ex dictis: ergo. Unde

Ad argumenta sententiae opposi-
tæ R. ad 1. n. c. nam vel debitum in-
definitè contractum, ex tacita in-
tentione contractum est in illud
tempus, quod ex consuetudine, &
usu obliterari & subintelligi solet, &
tunc elapsum tempus interpellabit.
Vel saltem subest conditio hæc, si
seu quando Creditor exiget, & tunc ne-
quit unquam præscribi, quia manet
semper obligatio, quamdiu manet
potestas exigendi in Creditore, ut
suprà dictum est.

Ad 2. R. n. cons. & parit. dispa-
ritas est, 1. quia in servitutibus le-
ges ita statuerunt, eò quòd Domi-
no non utente, cum est occasio ut-
tendi, videatur servitutem habere
pro derelictâ, utpote parùm sibi
utili, aut omnino inutili; alias si uti-
lis est, aut necessaria, intra id tem-
poris frequentius eâ uteretur: unde
si etiam circa debita indefinite
contracta extarent aliquæ leges,
quæ ob bonum publicum, aliamve
gravem causam statuerent, ut talia
debita post lapsum certi temporis
extinguenterentur, Creditore sciente,
& non exigente, ex præsumptio-

ne, quòd debitum vellet habere
pro derelicto, tunc paritas bene
ambularet. 2. Quia cùm in præ-
scriptione harum servitutum non
detur possessio ad præscriptionem
requisita, eò quòd libertas, quæ
præscribitur, verè & in rigore non
possideatur, hoc ipso, quòd præ-
scribens sciāt non esse suam, nec
velit eam habere, ut suam, ne faciat
contra jus illius, cui servitus ad-
huc debetur, idcirco casus hic circa
has servitutes est singularis, ut ait
Lugo l. c. n. 52. in quo absque vera
civili possessione, nec animo verè
possidendi civiliter libertatem à
servitute, adhuc beneficio legis
cum bona fide præscribitur cum so-
la possessione naturali illius; in quo
etiam casu non requiritur bona fi-
des, qua putes illam libertatem non
esse alienam, sed solum, qua putes,
te licet eam libertatem possidere
naturaliter, quia cùm bona fides po-
tissimum exigatur in ordine ad pos-
sessionem, quam fides denominat
bonæ, vel malæ fidei, qualis est pos-
sessio requisita, talis etiam erit bona
fides, unde in aliis præscriptio-
nibus, in quibus requiritur posses-
sio non solum naturalis, sed civilis,
requiritur etiam bona fides de pos-
sessione naturali, & civili, qua putes,
te & naturaliter, & civiliter
posse rem possidere, hoc est, ut tu-
am; in hac verò speciali præscriptio-
ne, in qua leges non requirunt,
nisi possessionem, vel quasi posses-
sionem naturalem; bona etiam fides
debet esse solum de possessione na-

turali, hoc est, quâ credas, te licetē frui posse illa libertate, nec teneri te de jure suo certiorem facere eum, cui servitus debeatur. Hæc citt. Author.

Quod autem simile quid à lege statutum sit etiam circa præscriptionem debitorum, tibi restat probandum.

Ad 3. R. n. rursus cons. & parit. disparitas colligitur ex suprà dictis, quia etiam hæc præscriptions beneficio legis sunt absque possessione civili, alias ad præscriptionem requisita, quia exemptio à poena vere, & propriè non possidetur à præscribente, hoc ipso, quod poenam, si exigatur, non solvendi animum nunquam habeat. Dein etiamsi reus diceretur possidere exemptionem à poena, cum tamen poena proximè non debeatur, nisi exigatur, nec debeat reus esse executor talis poenæ sed Judex, vel Fiscus &c. id circò si hi suo officio non fungantur, à lege privantur jure suo potius ob negligentiam suam, quam ex actione præscribentis, ut observat Less. l. 2. c. 6. n. 21. cum Molin. tr.

2. D. 66. n. 3. & 10. Quod autem etiam Creditor privat jure, & facultate exigendi suum debitum quocunq; demum tempore, ex legibus non probatur nec prudenter præsumi potest, Creditores pecunias sibi debitas, præfertim notabilis summæ statim remittere, aut pro derelictis habere, etiamsi certo tempore non exigant; possunt enim id facere ex prudenti motivo, eò quod v. g. sciant, debitorem intra tale tempus non esse solvendo, vel non posse commodè satisfacere, vel quia non audent petere v. g. subditus à Principe, vel quia vident sum exactionem nullum sortituram effectum &c.

Quod si ponas, ex occurrentibus circumstantiis prudenter præsumi posse debitum à Creditore remisum esse, tunc utique debitor à debiti solutione immunis, & liber erit. Porrò debita rerum mobilium æquè, ac immobilium præscribuntur cum bona fide contra Creditores spatio 30. ann. L. 3. (de præscript. 30. ann. & L. 1. §. ad hæc, C. de anali except,

10



CA-